

## اتوار 17 مئی، 2026

## مضمون- فانی تے لافانی

سنہری متن: زبور 31 باب 14، 15 آیتاں

”اے خداوند! میرا بھروسہ تیرے اُتے اے۔ میں آکھیا توں میرا رب این۔ میرے دن تیرے ہتھ وچ نیں۔“

جوابی پڑھائی: پیدائش 5 باب 1، 2، 18، 22 توں 24 آیتاں

زبور 37 باب 37 آیت

ایوب 11 باب 17 آیت

1- ایہہ آدم دا نسب نامہ اے۔ جیس دن رب نے آدم نوں پیدا کیتا تے اوہنوں اپنی شبیہ اُتے بنایا۔

2- نر تے ناری اوہناں نوں پیدا کیتا تے اوہناں نوں برکت دتی تے جیس دن اوہ پیدا ہوئے اوہناں دا نال آدم رکھیا۔

18- تے یارد اک سو باٹھ ورھیاں دا سی جد اوہدے توں حنوک جمیا۔

22- تے متوشالچ دے جمن توں بعد حنوک تن سو ورھیاں تیکر رب دے نال نال ٹردا رہیا تے اوہدے توں پتر تے دھیاں جمیاں۔

23. تے حنوک دی پوری عمر تن سو پینٹھ ورھے ہوئی۔

24. تے حنوک رب دے نال نال ٹردا رہیا تے غائب ہو گیا کیوں جے رب نے اوہنوں  
چک لیا۔

37. کامل بندے اُتے نظر کر تے راستباز نوں ویکھ کیوں جے صلح پسند کرن والے  
دوست لئی اجر اے۔

17. تے تیری حیاتی دوپہر توں بوہتی روشن ہووے گی تے جے ہنیرا ہووے تے اوہ  
سویروانگر ہووے گا۔

## درسی و عظ

## بائبل وچوں

### 1. زبور 92 باب 1، 2، 10 (میرا)، 12 توں 14 آیتاں

1. کنہاں چنگا اے رب دا شکر کرنا تے تیرے نان دی مدح سرائی کرنا اے حق  
تعالیٰ!

2. سویر نوں تیری شفقت ظاہر کرنا تے رات نوں تیری وفاداری۔

10.۔۔۔ پر تُو میرے سینگ نوں جنگلی سانڈھ دے سنگ وانگر اُچا کیتا اے۔ میرے  
اُتے تازہ تیل ملیا گیا اے۔

12. سچا بندہ کجھور دے رُکھ وانگر ہرا بہرا ہووے گا۔ اوہ لبنان دے دیودار  
وانگر ودھے گا۔

13- اوہ خداوند دے گھر وچ لائے ہوئے نیں اوہ ساڈے خداوند دیاں بارگاہواں وچ  
ہرے بھرے ہون گے۔

14- اوہ بڑھاپے وچ وی ودھے گا۔ اوہ تازہ تے ہرے بھرے رہن گے۔

## 2- زبور 139 باب 1 توں 4، 13 توں 18 آیتاں

1- اے خداوند! توں مینوں پرکھ لیا تے پچھان لیا۔

2- توں میرا اٹھنا بیٹھنا جان دا ایں توں میرے خیال نوں دور وں سمجھ لینا ایں۔

3- توں میری راہ دی تے میری خوابگاہ دی چھان بین کردا ایں۔ تے میریاں  
ساریاں عادتیاں توں واقف ایں۔

4- ویکھ! میری زبان اُتے کوئی اجیہی گل نئیں جنہوں توں اے خداوند! پورے  
طور تے نہ جان دا ہونویں۔

13- کیوں جے میرے دل نوں توں ای بنایا۔ میری ماں دے ٹیڈ وچ توں ای مینوں  
شکل دتی۔

14- میں تیرا شکر کراں گا کیوں جے میں عجیب طریقے نال بنیا واں۔ تیرے کم  
حیران کرن والے نیں۔ میرا دل ایہہ چنگی طراں جان دا اے۔

15- جد میں پوشیدگی وچ بن رہیا سی تے دھرتی دے اسفل وچ عجیب طریقے  
نال مرتب ہو رہیا سی تے میرا قالب تیتھوں لکھا نئیں سی۔

16- تیریاں اکھیاں نے میرے بے ترتیب مادے نوں ویکھیا۔

17- اے ربا! تیرے خیال میرے لئی کئے بیش بہا نیں۔ اوہناں دا مجموعہ کنہاں  
وڈھا اے!

18- جے میں اوہناں نوں گناں تے اوہ گنتی وچ ریت توں وی بوہتے نیں۔ جاگ  
اٹھدیاں ای تینوں اپنے کول ویکھدا واں۔

## 3- عبرانیوں 7 باب 1 (ایہہ) توں 4، 15، 16 آیتاں

- 1- تے ایہہ ملک صدق سالم دا بادشاہ۔ رب تعالیٰ دا کاہن ہمیشہ کاہن رہندا اے۔  
جد ابراہام بادشاہواں نوں قتل کر کے پرت کے آؤندا سی اوہنے اوہنوں جی آیاں  
نوں آکھیا تے اوہدے لئی برکت منگی۔
- 2- ایہنوں ہی ابراہام نے ساریاں شیواں دی دہ یکی دتی۔ پہلاں تے اپنے ناں دے  
مطلب دے مطابق راستبازی دا بادشاہ اے تے فیر سالم یعنی صلح دا بادشاہ اے۔
- 3- ایہہ بغیر پیو، بغیر ماں، بغیر نسب نامہ اے۔ نہ اوہدی عمر دا شروع اے نہ  
حیاتی دا اخیر بلکہ رب دے پتر دے مشابہ بنیا۔
- 4- ایس لئی غور کرو پئی کیسا بزرگ سی جنہوں قوم دے بزرگ ابراہام نے لٹ  
دے ودھیا توں ودھیا مال دی دہ یکی دتی۔
- 15- تے جد ملک صدق وانگر اک ہور اجیہا کاہن جمن والا سی۔
- 16- جیہڑا بدنی حکماں دی شریعت دے مطابق نئیں بلکہ غیر فانی حیاتی دی  
طاقت دے مطابق مقرر ہووے۔

## 4- یوحنا 9 باب 1 توں 7 آیتاں

- 1- فیر اوہنے جانڈیاں ہوئے اک بندے نوں ویکھیا جیہڑا جماندرو انہا سی۔
- 2- تے اوہدے چیلیاں نے اوہدے توں پچھیا اے ربی! کنہے پاپ کیتا سی جیہڑا  
ایہہ انہیا جمیا۔ ایہنے یا ایہدے ماں پیو نے؟
- 3- یسوع نے جواب دتا پئی نہ ایہنے پاپ کیتا سی نہ ایہدے ماں پیو نے ایہہ ایس  
لئی ہوئیا پئی رب دے کم اوہدے وچ ظاہر ہون۔

- 4- جنہے مینوں گھلیا اے ساہنوں اوہدے کم دن دن وچ ای کرنے ضروری نیں۔  
اوہ رات آؤن والی اے جیدے وچ کوئی بندہ کم نئیں کر سکا۔
- 5- جد تیکر مین جگ وچ آں جگ دی لو آں۔
- 6- ایہہ اکھ کے اوہنے دھرتی آتے تھکیا تے ٹھک نال مٹی گلی کیتی تے مٹی  
انہے دیاں اکھیاں آتے لا کے
- 7- اوہنوں اکھیا جا شیلوخ (جیدا ترجمہ ”گھلیا ہوئیا“ اے) دے حوض وچ دھو  
لے۔ فیر اوہنے جا کے دھوتا تے اوہ سجاکھا ہو کے پرتیا۔

## 5- مرقس 7 باب 31 توں 35 آیتاں

- 31- تے اوہ فیر صور دیاں سرحدان وچوں نکل کے صیدا دی راہ توں دکپلس  
دیاں سرحدان توں ہندا ہوئیا گلیل دی جھیل تیکر اپڑیا۔
- 32- تے لوکان نے اک بولے نوں جیہڑا ہکلاؤندا وی سی اوہدے کول لیا کے  
اوہدی منت کیتی پئی اپنا ہتھ اوہدے آتے دھر۔
- 33- اوہ اوہنوں جتھے وچوں وکھ لے گیا تے اپنیاں انگلیاں اوہدے کناں وچ پائیاں  
تے تھک کے اوہدی زبان چھوئی۔
- 34- تے اسمان آتے نظر کر کے اک ہوکا بھریا تے اوہنوں اکھیا افتتاح یعنی کھل  
جا۔
- 35- تے اوہدے کن کھل گئے تے اوہدی زبان دی گنڈھ کھل گئی تے اوہ صاف  
صاف بولن لگ پیا۔

## 6- لوقا 8 باب 41، 42 (توں پہلی-)، 49 توں 55 آیتاں

41 تے ویکھو یائیر ناں دا اک بندہ جیہڑا عباتخانے دا سردار سی آیا تے یسوع دے پیراں وچ ڈگ کے اوہدی منت کیتی پئی میرے گھر چل۔

42 کیوں جے اوہدی اکلوتی دھی گھٹ و گھٹ بارہ ورھیاں دی سی مرن والی سی۔

49 اوہ ایہہ آکھ ای رہیا سی پئی عبادتخانے دے سردار ولوں کسے نے آکے آکھیا تیری دھی مر گئی اے۔ استاد نوں تکلیف نہ دے۔

50 یسوع نے سن کے اوہنوں جواب دتا ڈر نہ بس بھروسہ رکھ اوہ بچ جاوے گی۔

51 تے گھر وچ ایڑ کے پطرس تے یوحنا تے یعقوب تے کڑی دے ماں پیو دے علاوہ کسے نوں اپنے نال اندر نہ جان دتا۔

52 تے سارے اوہدے لئی رو پٹ رہئے سی پر اوہنے آکھیا ماتم نہ کرو۔ اوہ مری نئیں بلکہ سوندی اے۔

53 اوہ اوہدے آتے ہسن لگ پئے کیوں جے اوہ جان دے سی پئی اوہ مر گئی اے۔

54 پر اوہنے اوہدا ہتھ پھڑیا تے آکھیا اے لڑکی اُٹھ

55 اوہدی روح فیر آئی تے اوہ اوسے ویلے اُٹھی فیر یسوع نے حکم دتا پئی کڑی نوں کجھ کھان پین نوں دو۔

## 7. 1 کرنٹھیوں 15 باب 51، 53، 58 آیات

51- ویکھو مین تہانوں اک بھید دی گھل آکھدا آں۔ اسی سارے تے نئیں سونواں گے پر سارے بدل جانواں گے۔

53- کیوں جے ضرور اے پئی ایہہ فانی بدن بقا دا جامہ پاوے تے مرن والا بدن ہمیشہ دی حیاتی دا جامہ پاوے۔

58- ایس لئی اے میرے عزیز بھراؤو! ثابت قدم تے قائم رہو تے خداوند دے کم وچ ہمیشہ ودھ دے رہو کیوں جے ایہہ جان دے او پئی تہاڈی محنت خداوند وچ بے فائدہ نئیں اے۔

## سائنس تے صحت

1- 81: 17-18

جیویں پئی سائنس وچ ظاہر کیتا گیا اے انسان رب دی صورت اُتے ہونڈیاں ہوئے لافانی ہون توں انکار نئیں کرسکدا۔

2- 76: 18 (دکھ) 31

دکھاں دے، پاپاں دے، مردہ عقیدے غیر اصلی نیں۔ جد الہی سائنس نوں عالمگیر طور تے سمجھیا جاندا اے، تے انسان اُتے اوہناں دا کوئی اختیار نئیں ہووے گا، کیوں جے انسان لافانی اے تے الہی اختیار دے راہیں جیوندا اے۔

بے گناہ خوشی، حیاتی دی کامل ہم آہنگی تے لافانیت، اک وی جسم دے درد یا آرام دے بغیر بوہت زیادہ الہی خوبصورتی تے چنگیائی دی ملکیت رکھدیاں ہوئے اصلی تے لازوال انسان بناؤندی اے، جیدا وجود روحانی ہندا اے۔

وجودیت دی ایہہ حالت سائنسی اے تے ہر ویلے برقرار رہندی اے، یعنی اجیہی  
کاملیت جیہڑی بس اوہناں لوکاں دی سمجھ وچ آؤندی اے جنہاں نوں الہی سائنس  
وچ مسیح دی ساری سمجھ اے۔ موت وجودیت دی ایس حالت نوں کدی تیز نئیں  
کر سکی کیوں جے لافانیت دے ظاہر ہوون توں پہلاں موت توں جتناں چاہیدا  
اے نہ اوہدے حوالے ہو جانا چاہیدا اے۔

### 3- 280: 8-1

سیان دی لامحدودیت وچ، مادہ یقیناً گواچیا ہووے گا۔ مخالفت تے تباہی دیاں  
علامتاں تے عنصر لامحدود، کامل تے ابدی کُل دیاں پیداوار نئیں۔ محبت وچوں  
تے اوس لو تے ہم آہنگی وچوں جیدا گھر روح اے، بس چنگیائی دیاں کرناں  
نکل سکدیاں نیں۔ ساریاں سوہنیاں تے بے ضرر شیواں سیان دے خیال نیں۔ سیان  
اوہناں نوں بناؤندی تے ودھاؤندی اے، تے ایہہ پیداوار ذہنی ہندی اے۔

### 4- 281: 17-14، 20-24

اک خودی، اک سیان یا روح جنہوں رب آکھیا جاندا اے لا متناہی انفرادیت  
اے، جیہڑا سارا روپ تے خوبصورتی عطا کردا اے تے جیہڑا انفرادی تے  
روحانی انسان تے شیواں وچ اصلیت تے الوہیت دا پرچھانواں بن دا اے۔

جدوں اسی سچ لئی جھوٹ دے احساس نوں چھڈ دینے آں، تے ویکھدے آں پئی  
پاپ تے موت دا نہ تے کوئی اصول اے تے نہ ای کوئی مستقبل اے، تے اسی  
ایہہ سمجھ جانے آں پئی پاپ تے موت دا کوئی اصل یا ٹھیک وجود نئیں اے۔

## -5 7-1:283

جیویں ای انسان روح نوں سمجھنا شروع کردے نیں، اوہ ایہہ ایمان رکھنا چھڈ  
دیندے نیں پئی رب دے علاوہ وی کوئی اصلی وجودیت اے۔

سیان ساریاں حرکتاں دا وسیلہ اے، تے ایہدے لگاتار تے ہم آہنگ عمل نوں  
پرکھن یا ایہدے اُتے مزاحمت کرن والی کسے طراں دی سستی نئیں پائی جاندی۔  
سیان ”کل، اج تے ہمیشہ تیکر“ حیاتی، پیار تے حکمت نال یکساں اے۔

## -6 31-23: 246

لافانی حکمران دے ہیٹھاں انسان ہمیشہ سوہناں تے وڈھا ہندا اے۔ ہر آؤن والا  
سال سیان، خوبصورتی تے پاکیزگی نوں سامنے لیاؤندا اے۔

حیاتی ہمیشہ دی اے۔ ساہنوں ایہہ لہنی چاہیدی اے تے ایہدے توں اظہار نوں  
شروع کرنا چاہیدا اے۔ حیاتی تے چنگیائی لافانی نیں تے او اسی وجودیت دے  
بارے اپنے خیالاں نوں عمر تے خوف دی بجائے پیار، تازگی تے لگاتاری دے  
نال بنائیے۔

## -7 27-13:247

لافانیت، عمر تے فنا پذیری توں بچ دیاں ہوئے، اپنا جلال آپ، یعنی روح دی  
چمک رکھدی اے۔ غیر فانی بندے تے بڈھیاں روحانی حس دا نمونہ ہندے نیں

جیہڑے کامل سیان نال تے پاکیزگی دے اوہناں اچے نظریاں دا پرچھانواں ہون  
نال بنائے جانڈے نیں جیہڑے مادی حس توں اچے ہندے نیں۔

خوش مزاجی تے فضل مادے توں آزاد نیں۔ انسانی سمجھ وچ آؤن توں پہلاں  
ہستی وچ ایہدیاں اپنیاں خصلتاں پائیاں جانڈیاں نیں۔ خوبصورتی حیاتی دی اک  
شے اے، جیہڑی ہمیشہ توں ابدی سیان وچ وسدی اے تے ایہہ اظہار، صورت،  
خاکے تے رنگ وچ اوہدی نیکی دی دلکشی دی عکاسی کردی اے۔ ایہہ پیار ای  
اے جیہڑا پھل وچ ہزار رنگ بھر دا، سورج دی کرن وچ لو بھر دا، بدل آتے  
خوبصورتی دی کمان دا نشانہ بنھ دا، رات نوں تاریاں دے زیوراں نال سجاؤندا  
تے دھرتی نوں حسن دیندا اے۔

8- 210: 11-18

ایہہ جان دیاں ہوئے پئی جند تے اوہدیاں خصلتاں ہمیشہ لئی انسان دے راہیں  
ظاہر کیتیاں جانڈیاں رہیاں نیں، مالک نے بیمار نوں شفا دتی، انھے نوں اکھیاں  
دتیاں، بولے نوں کن دتے، لنگڑے نوں پیر دتے، اینج اوہ انسانی خیالاں تے  
بدناں آتے الہی سیان دے سائنسی عمل نوں لو وچ لیایا تے اوہناں نوں جند تے  
مکتی دی چنگی سمجھ دتی۔ یسوع نے اکوای تے اکٹھے مابعدالطبیعی مرحلے  
نال پاپ تے بیماری نوں ٹھیک کیتا۔

9- 211: 24-31

جے ایہہ سچ اے پئی اعصاب وچ حساں نیں، پئی مادے وچ سیان اے، پئی مادی  
بدن اکھ نال ویکھن تے کناں نال سنن دی وجہ بن دا اے، تے جدوں بدن دی  
مادیت مک جانڈی اے، تے ایہناں بدنی صلاحیتاں نوں وی مک جانا چاہیدا اے،

کیوں جے ایہناں دی لافانیت روح وچ نئیں اے۔ جد کہ اصلیت ایہہ اے پئی بس  
غیر مادیت تے فکر دی روحانیت دے راہیں ای ایہناں صلاحیتاں نوں لافانی  
منیاجا سکدا اے۔

## 10- 213: 7-10 (توں)، 16-19، 8-30

ایس فانی تے مادی تصور دے علاوہ لافانی تے روحانی اصلیتیاں وی ہے نیں۔  
رب، چنگا، آپ موجود تے آپ ظاہر ہوں والا اے،

آواز اک ذہنی تاثر اے جیہڑا فانی عقیدے لئی دتا جاندا اے۔ اصل وچ کن نئیں سن  
دا۔ الہی سائنس آواز نوں روح دیاں حساں دے راہیں بیان کیتا ہوئیا ظاہر کردی  
اے، یعنی روحانی فہم دے راہیں۔

ایس توں پہلاں انسانی علم شیواں دے بارے جھوٹے فہم وچ ڈونگا غرق ہندا،  
یعنی اوہناں مادی اصلیتاں وچ جیہڑیاں واحد سیان تے ہستی دے اصلی وسیلے  
نوں خارج کر دیندیاں نیں، ایہہ ممکن اے پئی سچیائی وچوں نکلن والے اثر آواز  
وانگر واضح ہندے تے ایہہ پئی پرانے نبیاں اُتے آواز دے طور تے نازل  
ہوئے۔ جے سنن دا وسیلہ پوری طراں روحانی اے تے ایہہ عام تے لازوال اے۔

جے حنوک دی سمجھ نوں اوہدیاں مادی حساں توں پہلاں ثبوت تیکر محدود  
کردتا جاندا تے اوہ کدی ”رب دے نال نہ ٹر“ سکدا، نہ ای اوہنوں ہمیشہ دی  
حیاتی ول جان دی ہدایت ملدی۔

## 11- 214: 7-26

اک احساس کنہاں عارضی ہندا اے جد ریٹنا اُتے زخم لو تے عینک دی طاقت  
نوں مکا سکدا اے! پر اصلی نظر یا احساس گواچ نئیں سکدا۔ نہ عمر نہ ای  
حادثہ روح دیاں حساں دے نال مداخلت کر سکدا اے، تے ایہناں دے علاوہ کوئی  
اصلی حساں نئیں۔ ایہہ گل واضح اے پئی مادے دے طور تے بدن دا اپنا کوئی  
احساس نئیں اے، تے جند تے ایہدیاں خصلتاں لئی کوئی فراموشی نئیں اے۔ روح  
دیاں حساں پیڑ توں خالی نیں، تے اوہ ہمیشہ سکون وچ رہندے نیں۔ کوئی شے  
وی اوہناں نال ساریاں شیواں دی ہم آہنگی تے سچپائی دی طاقت تے استقلال  
نوں لکا نئیں سکدی۔

جے روح، جند، پاپ کر اکسدی اے یا گواچ سکدی اے، تے ہستی تے لافانیت  
وی سیان دیاں صلاحیتاں دے نال مک سکدیاں نیں۔ پر جد تیکر رب دا وجود اے  
ہستی مک نئیں سکدی۔

12- 215: 14-11

روحانی سیان ریاضی دی اچپائی دے ہیٹھاں اے۔ جو کجھ وی رب دی حکمرانی  
وچ ہندا اے، اوہ کدی وی اک لمحے لئی وی ذہانت تے حیاتی دی لو تے طاقت  
تو بغیر نئیں ہندا۔

13- 490: 18-14

انسانی خیال انسان نوں ہم آہنگ یا لافانی بنان لئی بے بس نیں، کیوں جے اوہ کرسچن سائنس دے مطابق پہلاں ای اینج دے نیں۔ ساڈی لوڑ بس ایہہ اے پئی اسی جائے تے اصلی انسان دے الہی اصول، پیار اُتے گھٹ عمل کریئے۔

## 14 - 248: 29-26

ساہنوں خیالاں وچ کامل نمونے بناؤنے چاہیدے نیں تے اوہناں اُتے لگاتار دھیان کرنا چاہید اے، نئیں تے اسی اوہناں نوں کدی وڈھیاں تے شریفانہ حیاتیاں وچ نقش نئیں کر سگدے۔

## 15 - 249: 10-1

اُو سائنس نوں قبول کریئے، عقلی گواہی اُتے مشتمل سارے نظریاں نوں ترک کریئے، ناقص نمونیاں تے پُر فریب قیاس آرائیاں توں دست بردار ہوئیے؛ تے اُو اسی اک رب، اک سیان تے اوس گلے کامل نوں رکھیئے جیہڑا فضیلت دے اپنے نمونیاں نوں پیدا کر رہیا اے۔

رب دی تخلیق دے ”آدم تے عورت“ نوں سامنے آؤن دیوو۔ ساڈے لئی حیاتی وچ جدت آؤندی محسوس کر دیاں ہوئے تے کسے فانی یا مادی طاقت نوں بربادی لیاؤن دے قابل نہ سمجھدیاں ہوئے، اُو روح دی طاقت نوں محسوس کریئے تے اُو اسی خوش ہوئیے پئی اسی ”ہوون والیاں قوتاں“ دے ہیٹھاں اُن۔ ہستی دی اصلی سائنس اینج دی اے۔

## روزانہ دے فرض

میری بیکر ایڈی ولوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اتے حکومت کرے۔

چرچ مینوئیل، آرٹیکل VIII، سیکشن 4۔

### مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اتے اثر نئیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچائیاں دا پرچھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

### فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں

نہ کدی بھلے تے نہ کدی نظر انداز کرے۔ اوہدے کماں دے راہیں اوہدا انصاف ہووے  
گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔